

www.BibleForChildren.org

Matayo 26




Mazuwa sita
kubula mwe
zuwa dya Pasaka
Yesu niyo aita
Besania kaya kwa
Lazalo yudya Yesu
amuuyula kulawa kwe file.
Niyo Maliamu aguha nusu
lita ya mavuta ya mhemp'he,
amhake mavuta ayo Yesu mwe
viga, naho niyo amhangusa ne zifili
zakwe. Niyo idya inyumba yose yanda na
mhemp'he wedi.



Yuda Isikaliyote, yumwenga ya wadya wanamp'hina
mlongo na waidi niyo waita kwa Wakulu wa walava
nt'hambiko vileke amsezenge
Yesu. Walava nt'hambiko
wakulu weze weve, niyo
welelwa, waika ndagano
kumwink'ha matundu.
Niyo Yuda azungula
sila ye kumsezenga
Yesu.



Wanamp'hina niyo watenda enga
viya Yesu awasigiile, niyo waiikila
lumwe uludyo lwe Pasaka. Aho
wandile wakadya Yesu na kaguha
mkate, niyo atogola Mnungu, niyo
aubendula no kuwenk'ha
wanamp'hina wakwe akagamba,
“Guheni mdye. Uno nuwo umwili
wangu.”



Naho niyo aguha kiamp'ha niyo
alava nt'hogola no kuwenk'ha
akagamba, “Nyweni nyose. Ino niyo
isakame yangu ye ndagano ikwitika
kwa ajili ya want'hu wengi kwo
kuusilwa wavu wawe.”



Yesu niyo agamba, “Simoni! Simoni! Kaula Mwavu kenk'wa kuwageza nyuwe nyose, kuwapanga awedi na waihile, enga viya mlimi akuiheta ingano. Mna hikulombezela kwa Mnungu weye, Simoni, unase kuhungukilwa nu mhuwi, vileke ukeza kuniuiya uwagele nguvu wanduguzo.”



Petulo niyo amhitula, “Zumbe miye hikeika lumwe kugenda kuvugailwa kwedi vugailo naho hegu kubanika nife hamwenga na weye.” Yesu niyo amgamba, “Nakugambila Petulo, zogolo he diile, weye nounde kunilemela malavo nt'hatu kugamba hunimanyize.”



Niyo Yesu aita hamwenga
na wanamp'hina wakwe,
hant'hu hakwitangwa
Getisemani, niyo
awagamba wanamp'hina
wakwe, “Hake ikaleni aha,
miye niite halongole ludogo
hamlombeze Mnungu.”
Niyo alombeza, “Tate, Aba!
Mbuli zose kwako zadahika.
Nihausile ikikombe iki cha
masulumizo, mna hiyo enga
viya huunga miye, mna viya
ukuunga weye.”



Niyo, Yuda aguha kafyo ka watowani na wamizi kulawa
kwa wakulu wa walava nt'hambiko na Mafalisayo,
nokwizanao kwe ibustani. Nawanda na vimuli na
magala hamwenga na vitoanilo. Yumwenga
wawe niyo amtowa mtumwa ywo
mkulu wa mlava nt'hambiko, na
kumsenga digutwi dyo kulume.
Mna Yesu niyo agamba,
“Yaungigwa muyazumile
yano!” Niyo amtozaga yudya
mnt'hu digutwi dyakwe
disengigwe, nakumhonya.



Wamgwilaga Yesu niyo waita nae kwe nyumba yo
mlava nt'hambiko mkulu Petulo naye andaga akatimila
kwa luhale. Weze wande wagima moto hagati he
kiwasa cho usengelo,
Petulo alunganaga na
wadya wandaga wekale
bunga kuuzunguluka.




Yumwenga mwa
wandima wa mlava
nt'hambiko mkulu yudya
akantigwe idigutwi ni Petulo,
amuzaga, “Togola, miye
hikuwone weye kwe bustani
hamwenga na uyu?” Petulo
alemelaga naaho, aaho zogolo
niyo dyaila, Basi, niyo wamguha
Yesu kulawa kwa Kayafa, no
kumwigala kwe nyumba ye
kiseuta. Petulo niyo aita kuse,
niyo ailisa kwa usungu.





Want'hu wose niyo wenuka,
wamlongaza Yesu kwita kwa Pilato.
Pilato niyo amuuza Yesu, “Weye wi
Zumbe wa Wayahudi?” Yesu niyo
amhitula, “ivo ukulonga niivo.”
Pilato nakaunga
amlekele Yesu, “Ivo niyo
alonga naho vituhu.”
Mna woho niyo watoa
lwasu wakagamba,


“Muwambe, muwambe.”




Pilato niyo amwink'hiza mwe
mikono yawe vileke awambigwe.
Niyo wamguha Yesu vileke
wamuwambe. Yesu niyo afosa
kuse no kwinula msalaba wakwe
wa masulumizo mpaka hant'hu
hakwitangwa “Kibela cha mtwi”
kwa Kiibulania Goligota.



Wamuwambaga hadya, hamwenga na
want'hu watuhu waidi, Yumwenga kumoso
na wakaidi mkono wakwe wa kulume,
Yesu nae andaga hagati.




Zuwa niyo dyatenda na lwilwa, pazia dye nyumba
nk'hulu ya Mnungu niyo dyatatuka hagati. Yesu niyo
aila kwa izwi kulu, “Tate mwe mikono yako nauika
umoyo wangu.”




Yusufu akulawa ko mzi wa Alimatayo,
mnt'hu we kitala che Wayahudi
akutegelezeswa niyo abula.

Mnt'hu uyo naakagoja
kwiza ko Useuta wa
Mnungu. Niyo ambasa
Pilato haheina
kogoha na
kumlombeza
amwink'he

umwili
wa Yesu.






Yusufu niyo
agula isanda,
auseleza umwili wa
Yesu hadya halanga na
kuuvika sanda. Niyo
auwika mwe kikuta
kisongolwe mwe diiwe
dikulu. Akajika,
atongolosa iwe kulu na
kudiika mo umnango
wa kiya kikuta.



Zuwa ditimile dyandaga zuwa dya
Kuhumula. Wakulu wa walava
nt'hambiko hamwenga na
Mafalisayo wabwilanaga
kwa Pilatoniyo
wamgamba, “Zumbe,
kikumbukila
kugamba yudya
mdant'hi aho
andaga mgima
agambaga,
'Mwe dizuwa
dya katatu
neninde hiuyuka.””




Ivo wahalawaga niyo wakuika wamizi
kwe kikuta, kwa kukanda
kikuta, no kuika want'hu
wakwamila.



Dize dyomboke dizuwa dyo kuhumula,
aho kwandaga kukatandazuka,
Maliamu Magedalena na
yudya Maliamu mtuhu,
wagendaga kukaula
ikikuta. Aaho niyo
alaila kisingisa,
Kwaviya mtumigwa
ywa kwe mbingu

aseelaga kulawa
kulanga niyo eza
hadya he kikuta, no
kuditongolosa diya
diiwe, no kwikala
mnanga mwakwe.




Wadya awamizi wogohesaga
weze wamuwone uyo mtumwa
ywa Mnungu, niyo wengila
lukengent'ha naho
nawanda enga
want'hu wabanike.




Mtumigwa ywa kwe mbingu niyo
awagamba wadya wavele,
“Msekogoha, himanya mwiza
kumkaula Yesu, yudya
awambagwa mwo
msalaba. Hahali aha!
Kauyuka enga viya
alongaga, soni
mkaule hadya

wamwikaga.”



Niyo wadya wavele wahalawa nguzu uku wakogoha. Mna nawanda na kinyemi, wagulukaga kugenda kuwagambila wanamp'hina wakwe. Aho niyo Yesu awalaila naho niyo awalamsa akawagamba, "Ndamsa." Niyo wambasa no kumtoza mwe viga, niyo



wamwinamila kwa kumvika.





Niho elo Yesu awalaila wanamp'hina mlongo na
yumwenga Umwo wandile wakadya. Niyo awativila
kwaviya waswesile mhuwi, naho nawanda wadala
kuwahuwai wadya wamuwone. Ivo Zumbe Yesu eze
ajink'he kulonga na woho, niyo enulwa kulanga kwe
mbingu no kwikala kulume kwa Mnungu.



Kwaviya Mnungu nakawaungisa want'hu
wa mwe isi niyo amwigala Mwanawe
heena miyawe vileke kila yumwenga
akumhuwila asekwaga mna
ande no ugima wa
ulo na ulo.



Walumi 3:23

kwaviya wose wadamanya wavu no kuhungukilwa
no ukulu wa Mnungu.

Walumi 6:23

Kwaviya maliho yo wavu ni file, mna geleko dya Mnungu ni
ugima wa ulo na ulo mwo kulungana na
Yesu Kilisito Zumbe ywetu.

Waibulania 9:27

Naho want'hu waikilwa kubanika lumwenga,
kikutimila aho ni usengelo.

Waefeso 2:8,9

Kwaviya myokolwa kwa mbazi za Mnungu kombokela
umhuwi. Mbuli ino hailaile kwa kukombeka kwenyu, idi ni
ngeleko kulawa kwa Mnungu. Naho hiyo kwa udamanyi
wenyu, mnt'hu yeyose anase kukeduvya.



Walumi 10:9,10

Unalonga kwa mnomo wako kugamba Yesu ni Zumbe, no kuhuwila mwo moyo wako kugamba Mnungu amuyulaga, nouyokolwe. Kwaviya mnt'hu anahuwila mwo moyo azumilwa kunda ywedi hameso ha Mnungu, na kwa mnomo mnt'hu alonga na kuyokolwa.

Yohana 3:16,17

Kwaviya Mnungu nakawaungisa want'hu wa mwe isi niyo amwigala Mwanawe heena miyawe vileke kila yumwenga akumhuwila asekwaga mna ande no ugima wa ulo na ulo. Kwaviya Mnungu hamletile Mwanawe mwe isi vileke awasengele want'hu wa mwe isi, mna keza vileke isi iyokolwe kwombokela yehe.



1 Yohana 5:11-13

Naho uno nuwo uwona, Mnungu nakakink'ha ugima wa ulo na ulo, naho ugima uwo chaupata kwa Mwanawe. Yeyose ananaye Umwana ananawo uwo ugima, heena naye Mwana ywa Mnungu hananawo uwo ugima.

Nawawandikilani vileke mmanye kugamba mnanao ugima wa ulo na ulo nyuwe mkuhuwila mwe dizina dya Mwana ywa Mnungu.



Matayo 26-28; Luka 22-24; Yohana 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Nguu NT (ngp) © The Word For The World and
Pioneer Bible Translators, 2014

<https://www.bible.com/bible/1043/MAT.1.NGBV>

©2026 Bible for Children, Inc.

www.M1914.org

www.bibleforchildren.org

